

 <small>BIBLIOTHECA UNIV. JAGELL. CRACOVENSIS</small>	<i>kat.komp.</i> <b>9039</b>
	<b>Augustianie</b> 







CORONATÆ  
LAUDES  
REGIONOMINE  
DIVICASIMIRI.

CELSISSIMO PRINCIPI

*Illustrissimo & Reverendissimo DOMINO,*

D. CASIMIRO

à L V B N A

LUBIENSKI,  
EPISCOPO CRACOVIANSI  
DVCI SEVERIÆ,  
BENEFACTORI CLEMENTISSIMO.

De Saxo RVPELLÆ

Gratulatio excisæ calamo,

&

A Suis Clientibus Rupellanis Magno Nomini CASIMIRI  
applaudentibus,

Cum profundo Cultu.

PRÆSENTATÆ.

\*\*\*

CRACOVIA,

Typis Ioannis Domanski, S. R. M. Typographi.

*Chetkowski Dionizy*  
*Paulski*

*1711 vel 1712*



Et **CORONAM** gratulationis impone Tibi *Eccli. 6.*

Sacerdos quoque qui erat ante Civitatem, **TAVROS & CORONAS** ante Ianuas offerens. *Act. 12.*

Narrabo **NOMEN TVVM** Fratribus meis. *Psal. 21.*

Casurum nullo tempore **NOMEN** habet. *Ovid.*

Victoria meis, mandantur **NOMINA** chartis.

aug. 9039

Bibl Jag

1970 D 45 St. Dr.





AD CELSISSIMUM  
PRINCIPEM  
BENEFACTOREM  
CLEMENTISSIMUM  
VOTIVA APPRECATIO.

*C*asus tulit sed fortunatus, ubi contingit in Tui profundum  
labi Cultum **PRINCEPS CELSISIME**; iustum  
enim est etiam septies de die cadere in Venerationē **REGII**  
**NOMINIS TVI**, quo Te Divina coronavit dextera.

Nemo vitare debet Casum, maximè quem Magna predicunt Nomi-  
na & non fata: felicitatis enim nota est in talem incidere Casum, quem  
**PRINCIPIS** Clementia, favor, & benevolentia infallibili comita-  
tur sequelâ. Magnum meretur Prædicamentum hoc Casuale Ac-  
cidens, in quo si Nomen **CASIMIRI** scrutari liceret, solam eamq;  
miram qualitatum nemo non mirabitur Categoriam. Non me terret  
**CASVS PER AUGUSTI NOMINIS TVI PRINCEPS**  
**CELSISIME**: hoc enim Casu, stat Ecclesiæ immunitas, Fidei Ze-  
lus, Regni salus, Civium Unio, Cleri Dignitas, Omnium securitas,  
Vineæ

Allusio  
ad ana-  
gramma  
Nomi-  
nis Ca-  
simiri.



*Vineæ Christi cultura, Religionum Monasticarum Conservatio, Uni-*  
*verse Diœcesis gubernatio, Pauperum conditio: è converso, NO-*  
*MINIS TVI mirifico Casu cadit in dies Heterodoxorum Babylon*  
*in levi fundamento posita: illud enim vel maximè in Votis habes, ut*  
*sit Tibi Ovile unum. Minari videris Casum sectarijs, quoties in*  
*NOMINE TVO hæc eijciuntur demonia. Iam propè vergunt*  
*in Casum A catholicorum Fana, quæ vivo DIVI CASIMIRI*  
*exemplo, nedum reedificari, verùm nec corrigi permittis, ut casu*  
*graviores ruant. An semel succubère in Tribunalitio Foro dissiden-*  
*tium cause? quoties his tenebrarum filijs Diem dicere iussisti.*  
*Puritatem Fidei Orthodoxæ ita colis PRINCEPS CASIMI-*  
*RE, ut cum Tuo TVTELARI CASIMIRO malis mori,*  
*quàm à malevolis veram fadari Fidem. Vigilem Tuam Pastora-*  
*lem quis non mirabitur palpebram: lupum enim venientem, ex*  
*A catholica sylva ad purè Catholicum Cracoviensem Magistratum*  
*postquam conspexeris, Autoritate Pastoralis Ostium intrandi occlu-*  
*sisti. Pari Zelo incedis PRINCEPS CELSISSIME, cum*  
*Divo Stanislao Tue Cathedræ quondam Presule: ille induratum*  
*Gentilismum è Rupellæ cacumine præcipitavit in Barathrum; Tu à*  
*Corpore Ecclesiæ avulsa antequam damnes in exitium, in Unionem*  
*Fidei miro modo trahis pectora. Admitte PRINCEPS CEL-*  
*SISSIME saxosum Rupellæ nostræ calamum, in Tuas REGIO*  
*NOMINE CASIMIRI coronatas Laudes flexibilem, quem,*  
*dum Tuis CELSISSIMIS subijcio Plantis, hæc Vota appono:*  
*Vive PRINCEPS CLEMENTISSIME longævam Anno-*  
*rum seriem, Vive Ecclesiæ, bonoq. Communi, & dum Te Regio DIVI*  
*CASIMIRI coronatum NOMINE gratulatorio recognoscimus*  
*Voto, nos pro fidelibus semper habe Clientibus & devotis servis.*

CELSITVDINIS TVÆ.

*Humillimns exoratur.*

FR: DIONYSIVS CHEŁSTOWSKI,  
 S. Th. D. Vicarius Provinciæ PRIOR in RUPELLA  
 ad Sanctum STANISLAVM.





# CELSISSIME PRINCEPS

**D**u Te ambivit ipse Pontificius Honor; no-  
verat enim licet ex se summus sit de te posse crescere.  
Addidisti Honori Infulato gradum non Honor Tibi,  
qui Te dignum invenit antequam fecisset. Habent enim hoc  
Magni fasces, quod eò in uberiores excrecant Culmum,  
quò Augustiori inseruntur sanguini, ac si frumentariam in-  
tarentur glebam, quam non granum frumenti fecundam red-  
dit sed reperit. Cum funere & sacris Pontificum (qui Te  
prævivere) cineribus emori videbatur, nunquam mortalis  
Infulata Dignitas prius itaq; Administratorio Tuo spiritu ani-  
mari voluit ut Tibi superstes viveret. Post Divas Anti-  
stitum exuvias administrandum Tibi dederê superi Pontifici-  
um subsellium; ut tempestivè Capitis Tui ad Coronas nati  
vastita-

*Sede & a  
cante  
Admi-  
nistrati-  
onis  
Episco-  
patus  
Craco-  
viensis  
creatur*



vastitatem temperarent ad Tyaram. Excedis Dignitate Tua Culmen Episcopale ita, ut nisi Compendiosam meritorum Tuorum in Te efficias syllabum Insula Te capere non valeret. Fata aliorum Te ipso compensabas, in GENERALEM Ecclesiae Moderatorem voto Superum inauguratus; & dum Vices agere coactus esses, in ipso moderamine Tuo jam genuinam Praesulis veri in Te referebas formam. Tutorem tantum modò orba Diacesis Te habitura sperabat, sed spem correxit eventus, postquam pro Tutore experiretur Pastorem, antequam esses. Sedem vacare non permisisti, & si vacare forte moriendi Praedecessoris Tui cogeretur, occupabas enim eam non tam situ quam animo, mentisque indefesso studio; apud quem vacare non est intervallum quietis & otij, privatis enim non nisi quievisse concessum. Benè noverat Metropolitana Sedes Cracoviensis per Te posse stare, si etiam in Episcopali Peditu Tuo collocaretur; ac si non satis haberet Fulcimenti ex Administratoriali Atlantico robore Tuo, quam inconculso tutamine & in fractis lacertis Tuis solidasti.

Sub Au-  
spicijs se-  
licij  
mis E-  
jus in-  
capit  
Annus  
saecula-  
ris.

**Secularem** si revolvam Annum, illud aeternae Glorae Tuae monumentum, nunquam edaci temporis tineam consumendum eloqui cogor Te potestate Clavium Sacros Portae Sanctae Cardines patefecisse, angustamque salutis portam pleno Indulgentiarum ampliasse favore, demum infusis gratijs scaturientem è septicolli Helicone Tyberim planè totum in sitibundas effudisse animas, ita ut quisquis hoc Elementum lustrale gustaret, novum se in animo, eumque Sanctiorem sentiret Tantulum, magis ac magis salutis anhelum fugaciaque poma noxae Originalis symbola amplius non captantem. Initium saeculis dedisti, quodlibet enim Actuum Tuorum negotium non momentis constat, verum aeterna saeculorum perpetuitate mensurari meretur. **DVCATVS SEVERIAE** Administratione potitus **DVCEM** saeculorum egisti, ut cursum non quo fata vocarent, sed quo Ecclesiae utilitas, status Publici tranquillitas,

Populi



Populi socialis Vita, Boni Communis invitarèt salus, dirige-  
 rent. Præivisti sæculis DVX Severiæ, mōstrabasq; iter quosit  
 eundum, ne cursu præpeti communem Regni felicitatem ever-  
 terent. Habent quod Tibi debeant sæcula, ut enim essent au-  
 rea Thesaurum infiniti valoris Ecclesiæ dispensasti, idquè ita,  
 ut de Tuis donis etiam ipsa ditarentur tempora. Recense-  
 ant alij temporum suorum vices: Tibi deficeret ipsum tem-  
 pus si Magnam recte Factorum Tuorum Congeriem nume-  
 ris percurrere velis. Implent alij clepsidras levi arenâ, Tu  
 ipsismet in Ecclesiam & Patriâ ponderosis meritis. Nec Tibi  
 in benè agēdo horas tantūmodò numerare concessū sed sæcula.  
 Magni Tribunal IVBILÆI in ipso sæculorū exordio universo  
 intimasti populo quasi ad pænitentiam ipsa vocares sæcula  
 jamjam, malorum conscia. Ream judicasti sæculorum Re-  
 volutionem, & ut nævum eorum aboleres, sanctitatemq; pec-  
 cantibus impertires temporibus Antistes sæculorum dictus,  
 benedixisti Coronæ Anni benignitatis. A nutu Heracleen-  
 sis Insulæ Tuæ pendebat *Annus Gratiæ*, ita enim sub hac Ty-  
 ara Te gessisti, ut etiam supra optimos eminere videbaris.  
 Titos qui non nisi dies, Tu *Annos Gratiæ* efficere consueveras.  
 Externam Patriæ Insulæ præmisisti Tyaram, ut primum illi  
 veluti Hospiti in sacro Vertice Tuo dares locum. Caput pri-  
 mū Tyaræ Tuæ in Dambsciano folio legimus; didicimusq; ex  
 hoc Arboris Caduceo Senatorios Tibi parari Curules: ea enim  
 Dambsciorum *Godziemba* in est aptitudo, ut non nisi in Re-  
 gum sceptris: in Mareschalcorum scipiones, vel in Pontificij  
 Pedi fulcimentum effingi queat. Movisti Arborem Insula-  
 tam Cellissimi Principis *Stanislai Dambski* Episcopi Cracovi-  
 ensis, quæ Virtutum Tuarum valido sic mota favonio, Tya-  
 ram Suffraganeam in Caput Tuum cadere veluti dulcem fru-  
 ctum effecit. Rubum ardentem crediderim *Dambscianum*  
 Pinetum, cujus fulgor ad cornua Bisontina *Celsitudinis Tuæ*  
 novam Dignitatis addidit faciem. Divisit Tecum Cellissi-

Magnū  
 Iubilæū  
 celebra-  
 tur Ad-  
 mini-  
 strante  
 Episco-  
 patum  
 Cellissi-  
 mo sub  
 Insula  
 Hera-  
 cleensi.

Ad sus-  
 fraga-  
 neatū  
 Craco-  
 viensi,  
 in ma-  
 turā Cel-  
 sissimo  
 Damb-  
 ski Epi-  
 scopo  
 Craco-  
 viensi.



Princeps Episcopus Cracoviensis ingentes turmas oneris, ut  
Socius Episcopalis laboris esses aliquando & Socius Coronæ.  
Adjutorium simile sibi Te habere voluit, ut in Te veluti in  
Paradiso Gentilitiam radicaret Arborem. Majus meretur  
Prædicamentum *Dambsciana* Pinus quàm Porphiriana Ar-  
bor: exqua *Rationale Pontificium* accepisti ad differentiam.  
Prodroma fuit Heracleensis Civica ad inquilinas vittas, idcirco  
diu hospitari apud Te non potuit, ut Indigenis cederet locū In-  
fulis. Ita cordi fuit etiam Exotico soli par Cælis Nomen Tu-  
um, ut etiam ab ultimis finibus Pontificiæ Te quærent Mitræ.  
Et si satis Tibi esset ad Gloriam nativâ redimiræniâ, ut Te  
capacem etiam ad maximos reddidisses, quos è suo penu, ex  
ternus Iovis dispensat fasces sub Heracleensem extra Patri-  
am Caput prius inclinaſti Infulam. Theca Capitis Tui In-  
fula erat Heracleensis, in qua sera Posteritas, rara Virtutum  
exempla, legendo discet. Vita Tua Palæstra morum est, ita  
ut quidquid agis; eo ipso rectè agendum præcipis. Imitari  
Te cogis dum facis. Evolvent Thecam Capitis Tui sæcula  
& legent, quot Levitarum agmina imprimendo characterem  
Militali Ecclesiæ conscripseris: & licet sub Heracleæ Infulâ  
veluti sub alienis videbaris militare signis, Patriæ tamen &  
Ecclesiæ Tuæ merebaris. Vices sanctioris umbellæ obire  
credebatur hæc Tua Tyara, ubi pondus diei & æstus sustinebas  
pro cultura Ecclesiæ: cassidis quoque militaris instar, sacrum  
Tuum armabat uerticem, quoties novus Athleta contra vitia  
populi pugnare voluisti. Non in aliam evocabas arenam  
delinquentes, nisi ad cinerem pænitiæ, ut eos à vinculis  
solveres, quos dira criminum tenebat catena. Frontem In-  
fulatum fontem dixerim ex quo deciduos sudoris manantis  
rivos magni fatigij Nuncios ita gravis in sacris peragendis  
novisque mystarum Tyrocinijs instituendis extorsit labor ut eti-  
am ipsi lapides scabellum pedum Tuorum excavari censerentur.  
Ita Te Cardinalis fortitudo ad ardua solidavit opera, ut etiam  
robur



robur tribueres, quos in fide confirmandos suscepisti. Nun-  
 quam elui poterit perennis memoria Tui, qui dum in devo-  
 tam Populi Illiadem Sacramentale effudisses Oleum, simul &  
 cor effudisti. Novas Ecclesias ita consueveras beare Ence-  
 nijs, ut distingvere difficilè erat, Templum nè manu factum an  
 Cælum esset. Ipsâ Consecrationis Divâ arte in sanctiorem  
 evadebant Tripodem Oratoria, placida pro precibus refe-  
 rendo oracula. In pauperes Te non tam liberalem quàm  
 sanctè prodigum spectavimus, quibus ultra id quod erogasti  
 Te totum dare non negabas. Videre erat sub ANNO GRA-  
 TIÆ turbam egenorū mendicā ipso sui numero divitē de Tuâ  
 Mensâ non micascolligentem, verum ipsa Misericordiæ vi-  
 scera fugentem. Egestas pauperū per Te ditescibat crescebatq;  
 in Te nunquā ex haustus subveniēdi animus, ubi cresceret infini-  
 ta planè mēdicantiū Categoria. Prima Tibi erat portio prodesse  
 debilioribus & frangere panem his, quibus sæpè non naturæ  
 vitium sed ipsamet despecta conditio, temporum injuriâ in-  
 ducta volam contraxit ad usum. Et si oculi eorum teneren-  
 tur, tamen ex fractione panis, alij Te *Patrem* pauperum im-  
 pressam Tui beneficij referentes speciem cognoverē; alij fu-  
 turum *Principem* in cujus Domo Panis, verâ Divinatione  
 prædicere non dubitârunt. Triduo Te sustinere famelicam  
 non permisisti plebem, imo momentis ipsis providere cona-  
 baris ita, ut nec etiam hora pauperum effluxisset jejuna.  
 Ne pauper ubiquè jaceret, locum circumscriptivum, novamq;  
 de facultatibus Tuis quantitatem, ægris Corporibus locandis  
 procurasti. Aderas in Persona sæpè numero alumnis Tuis, ut  
 prodesse non tantum cibi apparatu, sed & obsequio: &  
 quibus instruebas mensam, instructionem simul secuturæ Po-  
 steritati relinquebas imitabilem. Tabulam alij dixerē Con-  
 vivantium mensam, cui, & si obtusa per egestatem assidebant  
 Pauperum ingenia, ita tamen profecisse studebant, ut nihil  
 didicissent, nisi Tibi æternum gratos fore.

B

Non sine



Non sine dulci cordis voluptate Præsulea Insulæ Tuæ si-  
 gna in Monte Claro primò apparuisse conspeximus, ita enim  
 expediebat, ne Insulata apparatio Tua sinè Duce stella fuisset,  
 ut fideris ad instar Tibi affulisset MARIA. Vicisti Te in  
 Monte Victoriæ, renitente non semel innata modestia Tua,  
 ut nobis esses Pontifex. Vota ubi alij reddunt Domino, Tu  
 vices votorum Tuorum recepisti in Insula. In propria Te  
 venisse ad Insulam testabantur ipsi incrustati parietes, Mariani  
 Sacelli, quod enim forte MATHIÆ LVBIENSKI Primatis  
 Regni Honori Mariano obtigit, id totum Tuum esse profite-  
 mur. Satis decorum ex *Lubienijs* erat Augustal Divæ Vir-  
 ginis; Tu tamen ad complementum decoris addidisti primum  
 gradum Tuum Pontificium. Nidum potiusquàm sacrarium  
 Gnesnensis Archipræsul in Monte Mariano construxisse cre-  
 datur, in quo Tibi aliquando sacra nascerentur Insulæ. Idem  
*Lubienijs* cum *Augusta Celorum Domina* Domicilium, &  
 quod illi templum Honoris est, idem *Lubienijs* fit *seminarium*  
*Infularum*. Conjunxit Primas Regni MATHIAS LV-  
 BIENSKI Bisontem suum cum symbolico Divi Lucæ Bove,  
 ut hoc iugo boum in rota Fortunæ suæ Lapidem Angularem  
 facilius deveheret in fundum *Marianum*. Optima in Princi-  
 pe Munifico bonorum dilapidatio, ex qua Angulares pro Ara  
 MARIÆ assurgūt lapides. Auxit Eremum Nostram Bison-  
 te suo Magnus *Paulinæ Solitudinis* cultor, illudq̃ effecit, ut  
 ibi non soli Leones sua haberent cubilia. Emisarium in caver-  
 nosam *Clari montis* Petram abegit de Domo Vrum, ut ibi  
 pro sēper Cæli Tærræq̃ Numen placabilē haberet victimā nā:

*Patriamq̃ Deumq̃,*

*Præsuleus placat, generoso vulnere Taurus.*

Eodem passu Virtute prodroma CELSISSIME PRÆSVL  
 ad Capitolium Honoris, quo Avus Tuus Præsul Gnesnen-  
 sis evectus ad Gloriam processisti. Quamquam Excelsus  
 Animus Tuus non alium Ducem, nisi Te ipsum habere volue-  
 rit ad



rit ad præclaros Actus, quibus paratur, Honos: attamen ad  
laboris veri exercitium, Magna Antenatorum Nomina po-  
tens Tibi dedere Magisterium: facilius enim vitantur offen-  
sivi Scopuli, & inter tumentes fluctus latitantes evaduntur  
pyraticæ syrtes, si ad Magistræ itineris respicitur cynosurâ.  
Non sorte in Mathiam cadente sed ipso meritorum calculo ad  
Chelmensem postulabatur Cathedram *Avus Tuus Celssissimus*  
rogari enim debuit, Cui ipse Honor Vectigalis erat. Cathe-  
dræ Chelmenfis Palladium & Autoritate Pastoralis & exem-  
plari gravitate morû fulcivit ita, ut nisi ex Etymo adnumeratû  
sacro Collegio novisses; Petrum ex Cathedra non fulmina in  
electum vibrantem Gregem, sed miro verborum magnetismo  
ad ea quæ sunt Divini obsequij suaviter trahentem facilè  
*Tibi* per suaderes. Post advenâ Heracleensem Insulâ & *Ti-*  
*bi* PRINCEPS CELSISSIME ad Chelmenfes Aras prima <sup>Ascen-</sup>  
digressio, conspirabant quidem in Tuum Gentilitium Caput <sup>sus ad</sup>  
Primores Tyaræ: de Primatu, quænam Tuo sacro Vertice <sup>Chelmē</sup>  
foret digna certantes, Sed vicit Chelma citra Paridis stibam,  
solo præscriptionis jure suffulta, ut *Avi Tui*, quondam Chel-  
mēsis Prætulis palmares fasces *Tibi* cederēt capeffendi. Pri-  
ma Tua in gradu Chelmenfi Statio, ita in extaticam rapuit  
Prælatorum, orbatiq; populi desideria admirationem, ut ne-  
mo non putaretur Te primo sui in Cathedram adventu unâ  
hora tantum attulisse solatij, quantum doloris per multa mæ-  
sti te mporis lustra fenserit Chelmenfis Cathedra post Diva *Avi*  
*Tui* fata. Correxisti monumēta Ecclesiæ Chelmēsis caritie ve- <sup>Chelmē</sup>  
rustatis corrasa & ut *Avi Tui* emendasses Oratoria, non di- <sup>sem Ec-</sup>  
gitos in pariete more Balthasaris, sed totam expressisti manū <sup>clesiæ</sup>  
Sacræ alligatus Tyaræ, Senatorium non intermisisti turnum, <sup>deccrae</sup>  
quinimò ita publicas non tam alternabas, quàm identificabas  
vices, ut consulendo Ecclesiæ, simul consuleres & Patriæ.  
Non dividebas animum pretiosus Ecclesiæ, cum Patriâ unio  
dictus, quinimo pientissimo quodam invento, replicandi desi-



derium Tibi inerat, ut simul & semel & Cathedræ non deesses  
Præful, & inter Purpuratos Dictator: Legum controversias  
in Chelmenfi Areopago quoties in libram accepisti, in Distri-  
butiva Iustinianū, & in Punitiva Gratianū in Te expressisti.

Craco-  
siensi,  
Insula  
infecti  
tur Cel-  
sissimus  
Princeps  
Casimi-  
rus.

Post Chelmensem Præfulatum diu Metropolitanus Cracovi-  
ensis Insula cum Principe Nostro CELSISSIMO CASIMI-  
RO luctabatur Honor, ut stationi Paternæ succederet, quam  
quondam Celsissimus Andreas Trzebicki Episcopus Cracoviensis

Avunculus Præfulis Pontificio sacrauerat munere, tandem ( ut  
inquit Tacitus de Tyberio Clavum Regni recusante ) *magis  
ratione quàm Honore victus est, cum quidquid tuendum non suscepisset  
perituum videret, quemadmodum enim sceptrum Rēgni gestante  
Tyberio Principe, ita Te Vniuersam gubernante Diæcesim  
concludi potest: revocata in forum fides, submota ē foro seditio,  
ambitio campo, discordia Curia, æquitas, industria, Civitati redditæ,  
accesit Magistratibus Authoritas, Senatui Maestas, Iudicijs gravi-  
tas, recte faciendi aut incussa Volūtas, aut imposita necessitas, pœna in malos  
fera, sed tamē aliqua superatur æquitate gratia, ambitio Virtute.* Plus di-  
cam: elementorum pugnam indefinenti precum eiacularia-  
rū Tractatu sedasti PRINCEPS CELSISSIME cessavit enim  
aëre us turbo Te Sacras fundente preces ac si idem esset impe-

Pestife-  
ris an-  
nonam  
providi-

rare pestilentialibus ventis ac orare. Subsidiarias in pestife-  
ros erogabas Opes, forte ut prius pecuniario dono veluti no-  
vo corruptionis genere placares elementum ne noceret, ante-  
quam se ipso corrumperetur ut noceret. Sæviisset diutius ex-  
terminator Angelus, nisi vinculo *charitatis* Tuae in epidēmi-  
cos profusæ alligaretur. Vindex Angelus cum livido sym-  
ptomate ne facile aggrediretur mortales. Tu habitatorios po-  
stes vallabas pane. Somnium erat sub specie subcinerici pa-  
nis, gladium Gedeoniticum apparuisse Madianitico populo:  
extra somnium id verisimilius evenisse spectavimus, dum gla-  
dius Præfulis nostri in panis formā obsessis à peste extitisset.  
Volvebatur ille per platearum anfractus per Angulorum lati-

bula,



bula, edacem famem hostem in Caput persequens, stetitq;  
tandem in ipso Cracoviensi circulo, æternæ gloriæ *Lubieni-*  
*ane* symbolo. Miram eamq; piissimam in Gentilitio *Po-*  
*miano* quis non stupebit *mutationem*, ubi stylus gladij fer-  
reus in stylum cedit charitatis. Sicut folium vento pesti-  
lentiali è vivis rapiebatur populus, sed patet jam Superis  
legentibus omne tale folium à Capite beneficijs Tuis fuisse  
exaratum. Tua gratia præveniens relucebat in commeatu,  
quo protrahebas Vitam proxime morituris. Emporium  
Regni *Cracovia* jam cesset putare *mort esse lucrum*, cum  
adfit qui salutem populi mercaretur. Pestilentialis Clausura  
& si publicas obferasset portas solitamen Providentiæ Tuæ  
pervius patebat aditus, quæ aliquando ipsos etiam penetrare  
credebatur muros. Si credere fas est in uno æmilio ani-  
mam exhalasse Romanos, credibilis è converso putarem in  
Te Diviniori *Æmilio* animam totius Diæcesis revixisse.

*Per Te namq; unum medijs exuta tenebris*  
*Forma suo redit Imperio, claustrisq; soluta*  
*Tristibus exangues audent procedere leges.*

Inter tanta Charitatis Officia prima Tibi occupatio erat <sup>Synodus</sup>  
Hirarchicum universæ Diæcesis in bono Ordine collocare <sup>celebrat</sup>  
Clerum, ubi Synodalibus *indictis* Comitij *Tribum Sacer* <sup>n Fre-</sup>  
*dotalem* Soli Deo Tributarium effecisti. Ad circulum <sup>quæti-</sup>  
*MARIANVM* evocasti congressum *electi populi Tui Ec-* <sup>universi</sup>  
*clesiastici*, ubi de eradicandis disputasti vitijs, Solam Virtu- <sup>si Dia-</sup>  
tum sequelam persuadendo. Quidquid pro Instructione à <sup>cesis Cra-</sup>  
Te dictum percepinus, vim legis ut habeat necesse est. <sup>coensis</sup>  
In alijs plus movent exempla quàm dicta, in Te idem est <sup>Cleri.</sup>  
dicere, quod exemplo præesse. Testem habuisti Tui Sy-  
nodalis indefessi laboris **CAPVT** Orbis & Urbis <sup>Apostoli-</sup>  
*Romæ*, hic enim Divinus actus melius *Supremo Ecclesiæ Ro-* <sup>cus Nro</sup>  
*manæ Gubernatori* anuntiari non potuit, quàm per oculatum <sup>ciu Spi-</sup>  
Spectatorem *Nuncium*. Nihil non sanctum sub Tuo Pon- <sup>nola pa-</sup>  
**C** <sup>trator</sup>  
tificatu, <sup>Synoda-</sup>  
<sup>lis sess-</sup>  
<sup>onis.</sup>



Sub Pō-  
 tificatu  
 ejus. S.  
 Felix.  
 Ordinis  
 Capuci.  
 Canonizatus  
 Solenni-  
 ter ad  
 Ecclesi-  
 PP. in-  
 troducitur  
 itē,  
 S. Pius  
 Ordinis  
 Predic.  
 Canonizatus  
 intro-  
 ducitur  
 ad Ec-  
 am SS.  
 Trini-  
 itē S. Ca-  
 tharina  
 Bononiē  
 sis eodē  
 anno  
 Canonizatus.  
 introducit ad  
 Ecclesiā  
 Strado-  
 PP. Ber-  
 nard.  
 Roma,  
 Princi-  
 pi nostri  
 in Theol  
 Magi-  
 stra fuit

tificatu, tribus enim Canonisatis Celitibus, Roma propi-  
 tia *Felicem, piam, & bonam Te Pastore fecit Cracoviam.*  
 Auxit Ovile Tuum Sanctorum numero Supremus Pastor,  
 nullibi enim melius, potuerunt hi *celestes Agni* pasci,  
 quàm inter **LILIA NOMINIS CASIMIRI**. Triplici Cano-  
 nizatorum Dono muneratur Te **ROMA**, quam Tibi multis  
 olim devinxisti Argumentis. Intulisti Tecum in Romanam  
 Campaniam manipulum absquē palea (**NOMINI** enim  
 Tuo **CASIMIRIANO** Iagellonicus insertus est manipulus)  
 in cujus adorationem, multorum inflexeras animos *Quiri-*  
*tum.* Ad scholasticos evocatus ludos novum Amphithea-  
 trum Romæ invenisti, ubi Gentilitius **VRVS TVVS** Theo-  
 logicis exagitatus concertationibus Lauro meruit investiri.  
*nam . . . . . musis amicam*  
*Gaudet honor redimire frontem.* Sarb: lyr. 4. od. 2.  
 Partam labore quasi Venalem alij mercantur eruditionem;  
**TIBI** verò Romana Minerva *Donum* dedit Sapientiæ.  
 Non semel erubescabant scientiarum habitus, quoties Te  
 exornare voluerint, non enim habebant, quod ad decorem  
 jam exculti Magni Ingenij Tui adderent. Non in vanum  
 Scholastico pulvere partum intellectûs Tui incineraveras  
 Romæ, ita enim spes omnium de Te cogitatas adimplesti;  
 ut Te Phænicem *Episcoporum* quem *Ignatiana* excocit  
 flamma, salutaremus. Sed ad quid alienas petisti Athenas;  
 nisi forte, dum Patrio extorris esses Cælo, ipsimet Peregri-  
 no Soli Ingenij Tui claritate *diem addere* voluisses. Sed  
 ut quid Romana Studiorum adduco otia, longe modo in  
 profundiori sese exercet Studio **PRINCEPS** Noster;  
 dum à Primo Alpha Pontificatûs Sui *Cracoviensis* docet  
 quomodo tractandi sunt Pauperes. Triginta Pauperibus *Pa-*  
*nes Propositionis* quotidie apponit, verus enim sui ævi *Abi-*  
*melech* est. Beatitudinem alij ponunt in Visione, Tu Be-  
 atos efficis Pauperes ex sola *fruitione Tue Gratie*. *Magni-*  
*ficabit*



8  
ficabit **NOMEN TVVM** Remunerator **DEVS**, qui esurientes  
repleas bonis, de Te ludit Poeta.:

*Hic non divitias, nigrantibus abdidit Antris,  
Nec tenebris damnavit opes, sed largior imbre  
Sveverat innumeras hominum ditare Catervas.*

Non atramento notandum in Scholas **PRINCIPIS** Nostri  
Beneficium, cui nec totum pro Gratiarum Actione sufficeret  
*Alphabetum*; adeò enim summus literarum cultor extitit,  
ut optimè sciret scholis benefacere. Artes liberalitate sua  
liberales effecit, quas proprio aere dotavit ideo: ut *sanguis*  
*Nobilium* discendo, *venam* haberet mori pro **PATRIA**.  
Duodecim discipulos erudiendos elegit, eosq; ad Collegium  
*Academicum* misit, quibus *Cenam Domini* de penu proprio  
procuravit. Liberam Gentis Polonæ Indolem inflectis Pal-  
ladi, **PRINCEPS MUNIFICENTISSIME**, ut tempe-  
stive discat Regalibus Subijci Scep-  
tris, sub quibus & Tu  
aliquando gloriosè militasti. A Scep-  
tris ad Coronatum **NO-**  
**MEN TVVM** inopem calamus meum inflecto cum  
hoc accentu **PRINCEPS CLEMENTISSIME**.

*Duode-  
cim ju-  
venes  
de statu  
nobili  
in sci-  
entis Al-  
ma Ma-  
tris.  
Acad-  
mia  
Craco-  
viensis,  
erudi-  
dos in-  
tertenet*

*At Tibi quæ poterit pro tantis Civica reddi?*

*..... aut quanta pensabunt Tua Facta Coronæ.*





1. The first thing I did was to go to the  
bank and see what the interest was on  
my money. I found it was very low  
and I was disappointed. I then went to  
the office and saw the manager. I told  
him about the interest and he said it was  
the best he could do. I was not  
satisfied with his answer and I went  
to the bank again. I saw the cashier  
and he told me the same thing. I was  
very angry and I went to the  
manager's office again. I told him  
that I was going to take my money  
out of the bank and I was going to  
put it in a different bank. He said  
that was my right and he gave me  
my money. I then went to the  
other bank and I put my money  
there. I was very happy and I  
was satisfied with the new bank.



C A P U T  
OMNIBVS INFVLIS INITIATVM  
IN PRIMA INFVLA  
ILLVSTRISSIMI ET REVERENDISSIMI  
DOMINI  
D. CASIMIRI  
DE LVBNA  
LUBIENSKI  
EPISCOPI HERACLEENSIS  
SVFFRAGANEI  
ET CANONICI CRACOVIENSIS  
EPISCOPATVS  
ADMINISTRATORIS  
*Inter ipsam Sacræ Inaugurationis pompam  
prono Apolline*  
A D O R A T V M  
*à Cracoviensi Societatis IESV Collegio.*

ANNO DOMINI 1701




C R A C O V I Æ

Typis NICOLAI ALEXANDRI SCHEDEL S. R. M. Ord: Typographi.
















Biblioteka Jagiellońska



stdr0009372



